

醫方類聚卷之二百三十五

婦人門 三十

產後 六

三因方

產後腹痛又瀉痢者何荅曰云云禍不旋踵

謹之謹之詳見和劑局方

調中湯方見和劑局方

產後下痢非止豈證當隨所因而調之既云
飲冷當風何所不至寒熱風濕本屬外因喜



頁
三

怒憂思還從自性况勞逸飢飽皆能致病若其洞泄可服調中赤白帶下非此能愈各隨門類別有正方今錄桃膠散白頭翁湯以備用餘從帶下門選用之

沉香桃膠散治產後利下赤白裏急後重疔刺疼痛等證

桃膠

瓦上焙乾

沉香

蒲黃

紙兩抄各等分

右爲末每服二錢陳米飲調下食前服

大全良方同

白頭翁湯

方見金匱方

產後遍身疼痛者何荅曰產後百節開張血脉流走遇氣弱則經絡分肉之間血多留滯

累月

管見大全良方永類鈞方作日

不散則骨節不利筋脉

急引故腰背不得轉側手脚不能動搖身熱

頭痛也若醫以爲傷寒治之則汗出而筋脉

動搖手足厥冷變生它病

鈞方此下云濟生加生姜或桑寄生

但服趁痛散以默除之

良方云陳無擇以五積散加少醋煎亦可

趁痛散

牛膝 酒浸○簡易方管見大全良方婦人

方半兩去 甘草 炙 薤白 各壹分○簡易

歸 桂心 簡易方得 白朮 各半兩 黃芪 ○管見

方去蘆獨活兩半生薑方得效方無

右到散每服半兩水五盞煎至二盞去滓

食前分二次熱服 得效方云或入薤 ○管

見大全良方右咬咀每服半兩水二盞 婦

人全良方胎 煎至盡半去滓空心溫服拔

粹方右咬咀每服半兩水三盞煎至盡半

去滓食前五積散加醋煎治感寒頭痛身

疼 方見大方 加桃仁煎治腰痛逐敗血去

風濕嚴氏濟生方產後遍身疼痛者何荅

曰因產走動血氣升降失其常度留滯關

節筋脉引急是以遍身疼痛甚則腰背強

硬不能俛仰手足拘攣不能伸屈或身熱

頭痛不可作他病治但服趁痛散循流血

氣使筋脉舒暢疼痛自止俛仰得其所矣

川牛膝 去蘆 川當歸 去蘆 官桂 不見 白朮

黃耆去蘆川獨活去蘆生薑各半薤白二錢甘

草炙右咬咀每服四錢水壹盞半煎至

八分去滓熟服不拘時候醫方集成南北

每服四錢水加桑上寄生今兩尤佳玉機

微義當歸桂白木牛膝甘草各叁錢黃芪獨

活生薑各半薤白二錢右咬咀每半兩水

煎

趁痛散不特治產後氣弱血滯兼能治大陽
經感風頭疼腰痛自汗發熱若其感寒傷

食憂恐驚怒皆致身疼發熱頭疼况有舉勞
諸證尤甚趁痛散皆不能療不若五積散入

醋煎用却不妨

五積散方見大方
科傷寒門

產後大便祕澁者何荅曰產後水血俱下腸

胃虛竭津液不足是以大便祕澁不通也若

過五六日腹中悶脹者此有燥糞在臍腑以

其乾澁未能出耳宜服麻仁丸以津潤之若

誤以為有熱而投以寒藥則陽消陰長變動

百出性命危矣

麻仁圓

麻仁研○管見大良方去積殼炒人參

良方各一錢大黃各等分○良方蒸

右為末蜜丸如梧子大空心溫酒下二十

丸未通又加丸數良方云飲下亦可婦人

太過○嚴氏濟生方產後大便秘澀者何答

曰津液者血之餘因產傷產之氣津液暴

竭氣少不能運掉是以大便秘澀不通也

輕者且進橘杏圓以潤滑之滑則通矣若

過六七日腹中滿痛尚且不通此必有燥

糞在內乾澀未能得出亦却服麻仁圓以

通利之下燥糞則愈若以為有熱用重涼

之劑以攻之轉更傷動胃氣變證多端性

命危矣麻仁圓麻子仁別枳殼去人參

大黃各半右為細末煉蜜和圓如梧子

大每服五十圓溫湯醫方驗方油珍方溫酒米

飲任下未通加圓數枳杏圓方身大

產後不得利利者百無壹生去血過多藏燥
大便秘澀澀則固當滑之大黃似難輕用唯
葱涎調臘茶爲丸復以葱茶下之必通婦人
大便

良方又云僕嘗以局方四物湯以生乾
地黃易乾地黃加青皮去白煎服效

阿膠枳殼員方見和
齊局方

產後血崩者何荅曰產臥傷耗經脈未得平
復而勞役損動致血暴崩淋瀝不止或因鹹
酸不節傷蠹榮補氣衰血弱亦變崩中若小
腹滿痛肝經已壞爲難汗急服固經圓以止

之○嚴氏濟生方產後血崩者何荅曰因產
所下過多血氣暴虛未得平復或因勞役或
因驚怒致血暴崩又有榮衛蠹傷氣衰血弱
亦變崩中若小腹滿痛此爲肝經已壞爲難
治俱宜投固經圓止之若小腹脹滿此爲內
有瘀血則未可止之止之非特淋瀝不已小
腹轉加脹滿若小腹脹滿且服芎藭湯及黑
龍丹若小腹不滿急是內無瘀血可服固經
圓止之惡熱藥者進十灰圓方見
調經亦得得效

方治產後血崩不止或因飧極酸鹹物過度固經圓

艾葉管見大全良方取黃酒炒赤石脂煨補骨脂炒木

賊各半兩○管見大全良方去節醫方集成各壹兩附子壹介炮去皮臍

○永類鈔方云壹方畏附子用十灰元

右為末陳米飲和丸梧子大食前溫酒米

湯下二十丸濟生方集成南北經驗方油

煎芎歸湯加芍藥下二拾元或溫酒下

血崩不是輕病况產後有此是謂重傷恐不

止鹹酸不節而能致之多因憂驚恚怒藏氣

不平或產後服斷血藥早致惡血不消鬱滿

作堅亦成崩中固經丸似難責効不若大料

煮芎藭當歸加芍藥湯候定續次隨證合諸

藥治之為得婦人大全良方同得効方又云小腹痛肝經已壞難治局方

大順散除杏仁用醋煮剛子依等分入效

芎藭當歸加芍藥湯方見和劑局方加芍藥等分

產後腹脹悶嘔吐不定者何荅曰敗血散於

脾胃脾受之不能運化精微而成腹脹胃受

之則不得受納水谷而生吐逆醫者不識若
 以尋常治脹止吐藥療之病與藥不相于轉
 更傷動正氣疾愈難治但服抵聖湯○醫方
 集成治產後血氣傷干脾胃腹脇滿悶嘔逆
 惡心方南北經驗方神珍方玉機微義同永類鈐方產後敗血
 散於脾胃腹脹滿悶致生嘔逆濟生去赤芍
 藥澤蘭倍加生姜陳皮

抵聖湯

赤芍藥

半頁

湯洗七次

澤蘭葉

人參

管見大全

良方陳皮各二錢○良方婦人大全良方甘
 去蘆方得效方永類鈐方各壹分
 草珍方鈐方加生薑半兩

右為剉散每作一劑用水二碗生薑半兩

煎至二盞去滓分三次熱服玉機微義同○管

見大全良方右咬咀只作一劑用水一大

碗生薑焙乾半兩煎至半碗去滓熱分三

服婦人大全良方得效方同集成右咬咀每服四錢水

壹盞煎服不拘時經驗方神珍方同嚴氏濟生方

產後腹脹悶滿嘔吐者何荅曰胃受水穀

脾主運化生血生氣內濡腑臟者也因產
腑臟暴虛惡露下少敗血乘虛散於脾胃
脾受之而為腹脹胃受之則成吐逆亦有
惡露過多氣無所主聚於脾胃脾受之則
為腹脹胃受之則為吐逆抵聖湯而治惡
露過多者於抵聖湯中去澤蘭赤芍藥倍
加生薑橘皮也抵聖湯赤芍藥半夏湯澤
蘭葉陳橘皮去人參各貳錢甘草貳錢生薑
半兩右咬咀每服四錢水壹盞半煎至七分

去萃濕服不拘時候

產後口鼻黑氣起及鼻衄者何答曰陽明者
經脈之海起於鼻交頰中還出俠口交人中
左之右右之左產後氣消血散榮衛不理散
亂入於諸經却還不得故令口鼻黑起及變
鼻衄此緣產後虛熱變生此證其疾不可治
名胃絕肺敗此證不可治不出方○管見大
全良方此下云但經驗方云遇有疾急取緋
線一條嚴氏濟生方三條并取產婦頂心髮兩條緊

繫中指節上濟生方緊繫即止亦厭禳之壹

端也 又海上方云治產後中風鼻衄不止

以荊芥為末以童子小便調二錢服

產後喉中氣急喘者何荅曰榮者血也衛者

氣也榮行脉中衛行脉外相隨上下謂之榮

衛因產所下過多榮血暴竭衛氣无主獨聚

肺中故令喘也此名孤陽絕陰為難治若惡

露不快敗血停凝上薰於肺亦令喘急但服

奪命丹血去喘息自定管見上全良方此下

云胡氏方二味參蘇

飲亦

奪命丹方見胞衣不下

產後喘急固可畏若是敗血上薰於肺猶可

責效奪命丹若感風寒或因憂怒飲食鹹冷

等奪命丹末可均濟况孤陽絕陰乎若榮血

暴絕宜大料煮芎藭湯亦自可救傷風寒宜

旋覆花湯性理齋發直小調經散用桑自皮

杏仁煎湯調下傷食宜見現九五積散

芎藭湯 旋覆花湯方並見和劑局方 大調經散方見

前五積散方見大方科傷寒門見現圓前

產後中風者何答曰產後五七日內強力下床或一月之內傷於房室或懷憂發怒擾蕩冲和或因着艾傷動臟腑得病之初眼澁口噤肌肉瞶搐漸至腰脊筋急強直者不可治此乃人作非偶亦中風所得也

產後中風風是外邪血虛則或有中之者直答以人作不可治問答不相領解如何開示後人立論之難有如此者若是中風當以脉

辨看有何藏依經調之強力下床月內房室憂怒著灸非中風類尊勞性氣火邪治各有法非產後病不暇繁引學者識之

產後心痛者何答曰心者血之主人有伏宿寒因產大虛寒搏於血血凝不得消散其氣遂上衝擊於心之絡脉故心痛以大岩蜜湯治之寒去則血脉溫而經絡通心痛自止若誤以為所傷治之則虛極寒益甚矣心絡寒其傳心之正經則變為真心痛朝發夕死夕

發朝死藥不可輕用如此嚴氏濟生方此下云若因七情傷感
血與氣併而心痛者宜
服玄胡索湯則痛自止

大巖蜜湯方見千金方

產後心痛雖非產尊常病庸或有之九痛未必便是血痛設是岩蜜湯豈可用熟地黃熟地黃泥血安能去痛此方本出千金川生乾地黃耳茱萸一升合准五兩乾姜三兩細辛治陳寒在下焦方本一兩却減作半兩制奇制耦量病淺深自有品數不可妄意加減然

以岩蜜湯治血痛不若失笑散用之有效

失笑散方見和劑局方

產後熱悶氣上轉為脚氣者何答曰產卧血虛生熱復因春夏取涼過多地之蒸濕因足履之所以著而為脚氣其狀熱悶掣痲驚悸心煩嘔吐氣上皆其候也可服小續命湯兩三劑必愈若醫者誤以逐敗血藥攻之則血去而疾益增劇嚴氏濟生方云惡附子者宜服獨活寄生湯若嘔者去地黃倍加生薑獨活寄生湯方見大方科脚氣門

小續命湯 方見大方科諸風門

脚氣固是常病未聞產後能轉為者往往讀千金見有產婦多此疾之語便出是證文辭害意可槩見矣設是熱悶氣上如何令服續命湯此藥本主少陽經中風非均治諸經脚氣要順依脚氣方論陰陽經絡調之此涉專門未易輕論既非產後要病更不繁引○婦人大全良方此下云陳無擇雖有此評然小續命湯加減與之用無不効故百問云寒中

三陽所患必冷小續命湯主之 加生薑 暑中

三陰所患必熱小續命湯 去附子減桂心一半 大煩躁

者紫雪最良 僕取百問中加減法 如無紫雪

用真薄荷煎冷水嚼下

產後汗出多而變瘧者何荅曰產後血虛因

理不密故多汗因遇風邪搏之則變瘧也瘧

者口噤不開背強而直如發癇狀搖頭馬鳴

身反折須臾十發氣息如絕宜速斡口灌小

續命湯 管見大全良方稍緩即汗出如雨手

試不及者不可治良方又云大豆紫湯易愈風散亦妙嚴氏濟生方云右方不特治產婦凡婦女偶中此疾急以此藥灌之無不愈者或服他藥則不及矣

小續命湯方見大方科諸風門

產後汗出多變瘥亦令服續命湯此又難信既汗多如何更服麻黃官桂防已黃芩輩不若大豆紫湯為佳太醫局方大聖散亦良藥也

大豆紫湯方見眩暈門

產後所下過多虛極生風者何荅曰云云命

在須臾此但虛極生風也如此則急服濟危

上丹若以風藥治之則誤矣詳見和劑局方

濟危上丹方見和劑局方

所下過多傷損虛竭少氣唇青肉冷汗出神昏此皆虛脫證何以謂之生風風是外淫必因感冒中傷經絡然後發動臟腑豈能自生風也虛之說蓋因脈經云浮為風為虛此乃兩病合說在人迎則為風在氣口則為虛後學无識便謂風虛是一病謬濫之甚學者當

知

保慶集二十一論人川既多因評其說仍將
得効方附行外有產科諸證併敘于后

蓐勞證治

婦人因產理不順疲極筋力憂勞心慮致虛
羸喘乏寒熱如瘧頭痛自汗肢體倦怠咳嗽
痰逆腹中絞刺名曰蓐勞

石子湯治蓐勞○婦人大全良方療產後虛
羸喘乏乍寒乍熱如瘧四肢疼痛面色痿黃

名爲蓐勞

承類鈔方同

猪腎

一對去脂膜四破无則以羊腎代之

香豉

良方云乙方無此自知母

葱白

粳米

當歸

芍藥

各二兩○良方得効方云

唐濟方無芍藥有人參

右爲剉散分兩劑每壹劑用水三升煮取
壹小椀去滓分三服在臆服

陰脫證治

婦人趣產勞刀努熾太過致陰下脫若脫肛
狀及陰下挺出逼迫腫痛舉重房勞皆能發

類聚

十一

作清水續續小便淋露

硫黃散治產後勞陰脫

硫黃 烏賊魚骨 各半 五味子 壹分 ○ 婦人

方云千金翼用

右為末糝患處 得效方同良

當歸散治陰下脫

當歸 黃芩 各二兩 ○ 得 芍藥 二兩 ○ 婦人

全良方半兩得 蝟皮 燒存性半兩 ○ 牡蠣

煨二兩半 ○ 良方二 得效方壹兩二錢半

右為末每服二錢溫酒米湯任意調下忌

登高舉重

桃仁膏治產後陰腫妨悶

桃仁 去皮尖 ○ 婦人大 枯礬 瓦倍子 各

右以下二味為末研桃仁膏伴勻傅之 得效

同方

下乳治法

產婦有三種乳脉不行有氣血盛而壅閉不

行者有血少氣弱澁而不行者虛當補之盛

當疎之盛者當用通草漏蘆土苽根輩虛者

當用成煉鍾乳粉猪蹄鯽魚之屬槩可見矣

漏蘆散 成煉鍾乳散 方並見和劑局方 母猪蹄湯

方見千金方

青桑膏治乳硬作痛

嫩桑葉

右採研細○婦人大全良方生採得效方左採

右米飲調攤紙粘貼病處千金云凡患乳

癰四十已下可治五十已上不可治治之

則死不治自得終其天年

惡露證治

產後兒枕不散乃血痕堅聚按之攬手口脯

增劇疼痛淋露不快上攻心胃困頓狼狽宜

服黑龍丹當歸湯奪命丹治之

黑龍丹

當歸湯

方並見和劑局方

奪命丹

方見胞衣不下

虛煩證治

產蓐最難調理所以忌問男女及不許見穢

惡者皆古人預防其妄念也每見婦人以得

男則喜得女則憂憂喜太早致心虛煩悶多
自出始蓋去血過多血虛則陰虛陰虛生內
熱內熱日煩其證心胃煩滿吸吸短氣頭痛
悶亂骨節疼痛晡時輒甚與大病後虛煩相
類

人參當歸湯

蒲黃散

方並見
千金方

虛渴證治

產後去血過多津液不回腎氣虛弱多使人
煩渴引飲無度雖非三消其證頗同治之當

養血通氣回津補腎方效

熟地黃湯治產後虛渴不止少氣脚弱眼昏

頭眩飲食無味

方見和
劑局方

六氣經緯圖治同前

方見
前

淋閉證治

諸治產前後淋閉其法不同產前當安胎產
後當去血如其冷熱膏石氣淋等為治則一
但量其虛實而用之瞿麥蒲黃最為產後要
藥唯當尋其所因則不失機要矣

茅根湯治產後諸淋無問冷熱膏石結氣悉
主之

白茅根八兩 瞿麥穗 白茯苓各四兩 蒲黃

桃膠 滑石 甘草炙各兩 子貝十分 葵子

人參各二兩 石首魚腦骨二十個 燒

右爲剉散每服四大錢水一盞半薑三片

燈心二十莖煎七分去滓溫服亦可爲末

煎木通湯調下二錢如氣壅閉木通橋皮

煎湯調下婦人大全良方得效方同

產後雜病治法

丁香散治產後咳逆

石蓮肉十個 丁香七枚

右爲末水半盞煎數沸服

調補法

產後氣血既衰五臟俱損唯得將補不可轉
利雖惡血未盡亦不可使服補藥須候七日
外臍下塊散方可投之若痛甚切者或崩傷
泄利虛羸喘乏別生它疾帶起宿患宜尋閱

諸方審詳調理不必拘以日數也如黑神散却不妨

當歸建中湯治衛生寶鑑治婦人一切血氣虛損產後勞傷

虛羸不足腹中疝痛吸吸少氣小腹拘急痛

連腰背時自汗出不思飲食產訖直至滿月

每日三服令人丁壯強健

當歸四兩○聖濟桂心三兩○寶鑑肉桂總錄桂去麤皮

白芍藥六兩甘草炙二錢○詹寮方寶鑑總錄二兩

右剉散每服四大錢水膏蒸半姜三片棗

二枚煎七分去滓入飴糖一塊再煎消服

崩傷內衄加阿膠地黃煎得效方同○寶鑑石

肆味切每服五錢水膏饒半生薑五片棗

一枚同煎至八分去粗熱服空心食前總

錄右四味咬咀如麻豆每服五錢匕水一

盞半入生薑棗大拍碎棗三枚擘破同

煎至八分去滓溫服日三若大虛加飴糖

少許湯成下

濟陰丹治產後百疾百日内常服除宿血養

新血方見求嗣

人參養血圓治產後出月羸瘦不腹常方見通治

羊肉湯治產後腹中疼痛虛勞不足裏急脇

痛并治寒疝澹寮方并治寒疝冷氣

當歸參生薑壹兩精羊肉四兩橘皮半兩

右剉散水三椀酒少許煎至壹椀去滓分

二服或少加葱茹亦佳

衛生十全方

治吹妳神驗

麝香壹塊細研生薑自然汁兩乳汁參

右件和勻再入熱酒調下覺乳中熱作卽

用手揉令散 又方如用蛇退燒灰三分

麝香壹錢同切熱酒調下只三服愈 又

方如妳癰已成未破可用舊刷牙二箇連

毛角燒灰存性以麝香酒調服甚效

無求子活人書

產後藥方

陽且湯方見雜治婦人產後傷風十數日不

解頭微痛惡寒時時有熱心下堅乾嘔汗出

南陽活人書同

治瘧法 方見大方傷寒門 婦人產後血虛多汗喜中

風身體強直口噤背反張作瘧治之 南陽活人書同

又方用荆芥末三錢溫酒調下不渴再服

神巧圓 方見大方傷寒門 治婦人產後亡津液大便

多秘或譫言煩躁不可用湯液宜神功圓

南陽活人書同 用青木香湯吞下

桂心牡蠣湯 婦人大全良方承類鈔方名芍藥湯 婦人產後頭

疼 良方鈐方 身體發熱兼治腹內拘急疼痛

桂心 兩 黃芩 二兩 白芍藥 乾地黄 牡蠣

煨各五兩

右剉如麻豆大每服抄五錢匕以水壹盞

半煎至壹盞去滓溫服

增損柴胡湯婦人產後虛羸發寒熱飲食少

腹脹等疾

柴胡 錢 人參 白芍藥 半夏 易泡 甘草 炙

陳橘皮 川芎 各一分

右判如麻豆大每服四錢水壹大盞生薑
三片棗子壹箇煎至七分去滓食後溫服
日三服○袖珍方右等分咬咀每服八錢
水壹盞半生姜五片棗二枚煎至八分去
滓不拘時通口服

竹葉防風湯婦人產後傷風發熱面赤喘而
頭疼

竹葉半把防風半人參半桂枝去皮○經驗良方官桂
桔梗廿草葛根壹兩

右爲龜末每服四錢水一盞半婦人大全良方得效
方每服叁錢水壹盞生薑三片棗子一枚煎至八分
婦人大全良方經去滓溫服使汗出頸
驗良方煎七分項強用附子炮去皮臍剉如豆大抄壹大
錢同煎嘔者加半夏壹錢

小柴胡湯方見大方傷寒門婦人產後亡血汗多故
令鬱胃其脉微弱不能食大便反堅但頭汗
出所以然者血虛而厥厥而必冒冒家欲解
必大汗出以血虛下厥孤陽上出故但頭汗

出所以產婦喜汗出者亡陰血虛陽氣獨盛故當汗出陰陽乃復所以便堅者嘔不能食也

乾薑柴胡湯婦人傷寒經脈方來初斷寒熱如癡狂言見鬼

柴胡四兩 枳枝一兩 栝蔞根兩 牡蠣兩

乾薑壹兩 甘草兩

右剉如麻豆大每服五錢水壹盞半煎至七分去滓溫服初服微煩再服汗出而愈

是齋醫方

產後

三聖散治兒枕得效方產後臍痛不可忍

世神藥也徐氏胎產方產後惡露不盡

當歸洗 肉桂去皮 玄胡索炒

右為細末每服二錢胎產方 熱酒或童子

小便調下經驗良方 婦人大全良方

延胡索散延胡索桂心各半 當歸乙 右為

細末熱酒調下二錢拔粹方永類鈴方同

童便温煖
調尤快

凡婦人產後急飲新汲水數口惡露或胞衣
卽下永無血暈之虞世人但以產後怕生
水爲言惑矣初產後不可不服既定一兩
日却忌生水也

壽域神方同

治產後血暈柳正之方服催生藥既產之後
便須準備此藥松煙黑錢二以火煨通紅窰
滅研爲細末作膏服温酒調下壽域神方調下無時
○朱氏集驗方治產後破血纔產川好真

松黑半銚火燒赤投醋中如此三遍地上
出火毒研羅細每服半錢淡醋湯調服管
見大全良方產後服醋墨法松煙墨不以
多少炭火煨令通赤以米泔淬之再煨再
淬如此七次方好研令極細婦人大全良方用絹羅過
纔產畢用童子小便温過調二錢服得効
方治產後去血多眩暈頃刻害人多服収
效心悶氣絕松煙墨二錢火煨通紅窰滅
火氣爲末半匕温酒調京墨亦可經驗良方同

徐氏胎產方血量昏迷心氣絕醋磨京墨服之良

治婦人產後下血六合散四物湯去川芎外當歸白芍藥地黃各壹兩四順理中元去乾姜外甘草二兩人參白朮各壹兩六味咬咀每服三錢水壹盞煎八分服先進固經元次服此藥温州醫者季郎中以醫任和卿閣中錢文子傳固經元出保慶集治婦人產後感冒傷風錢文子只服小續

命湯其意防中風搐搦故也任和卿曾用此藥與人屢効活人書治傷寒識證依法煎服

吹妳

治吹妳婦人吹妳藥婁羅皂角燒灰蛤粉和熱酒壹盞調八字雙手揉散笑呵呵加乳香少許尤佳

又方史仲葉方用常使木杓柄上尖燒灰存性傅之

又方牛皮膠不以多少鑿開用紙花攤貼妳
上次以舊齒刷子壹箇燒灰存性研爲細
末酒調服甚有功效

又方苦脯中泥調塗妳上甚妙

又方末成腫痛者右小粉炒令黃色以紙攤
在地上出火毒了碾作細末新水調傅之
又方痛不可忍雄鼠糞不以多少大而兩頭
尖者卽是研細入麝香少許同研勻每服
二錢溫酒調下連進二兩服卽愈劉駐治

名汝翼云渠親以治一屠戶之妻立効但
不必令病人知恐不旨服身

又方禹錫姪百藥煎爲細末每服五錢熱酒
調下以泔傅腫痛處

瑣碎錄

產後疾方

產後血暈燒尾以醋淬令產婦聞卽省
產後血暈五靈脂炒令煙盡爲末溫酒調下
一錢童子小便尤佳○婦人大全良方獨

行散治產後血暈昏迷不省衝心悶絕衛生

方名立五靈脂半生半右為末温酒易簡

應散方温調下二錢徐氏胎產方易簡方錢

湯二禁者拗開口灌之人喉即愈一方

加荆芥等分為末童便調下拔粹方一方

若血崩不止用炒熟者加當歸酒同煎或

水酒童便各半盞同煎袖珍方同又水煎為膏

加神麩末和丸桐子大空心温酒下

如產後惡露不快腰膝四肢疼痛陳大參不

拘多少須極陳為佳新者不用用銀銅器

內炒令黑色咬破中心微白色為度取出

地上紙攤去火毒為細末每服三錢用秤

槌燒赤焯調下餘酒以瓶收貯再用

婦人吹妳用車脂或燈臺上垢膩以蛤粉丸

之如梧桐子大每服十元温酒下不過三

服

呪吹妳法先吸取四方并上下方氣吹在妳

上就妳上轉畫圈兒二箇吸氣一口吹在

東壁上

又法清茶一甌向患人立彈其甌欲呪時先吸北方氣壹口閉之呪曰一名號玄鍾不食五谷只食濃茶朝食三千暮食八百少壹不食下界來索分付與北斗七星急急如律令勅呪茶了令喫便止

簡易方

大黑神散婦人產後衆疾並皆治之

生熟地黃

熟者燥秤一兩生者乾秤半兩熟者蒸二十遍如黑角色不可

沾甘草

炙壹兩

當歸

酒浸半日燥秤

肉桂

去皮不見火各壹兩

壹乾姜

炮壹兩

白芍藥

真蒲黃

紙襯銚內慢火

炒各極小黑豆

炒夫皮壹兩半

附子

炮六錢重去皮臍用二錢

右爲末每服二錢產後壹旬內並以童子

小便溫

王氏集驗方溫酒

調下

胎斃腹中溫酒

下 月內不語加獨活末酒下 衣帶斷

胞衣不下血暈口乾心悶乍寒乍熱四肢

虛腫凡衣此證並宜服之 惡露不盡血

氣刺痛入炒三稜加延胡索

各半錢○王氏集驗方半

兩酒調下 小便不通或出血加琥珀末
半木通湯下 大便秘加大麻仁末半錢煎
枳殼湯下 水瀉加乾姜末陳米飲下
惡痢濃煎罌粟湯下 中風手足牽搐加
荆芥末煎荆芥湯下 遍身疼痛加黃耆
末酒下 血崩濃煎艾湯下 咳嗽微汗
加人參白朮末姜湯下 血渴加蒲黃乾
葛湯下米飲亦可 嘔逆惡心煎人參陳
皮湯下 鼻衄煎茅根湯下 鼻衄非常

口鼻黑色汗如雨氣急喘嗽並不治 局
方黑神散於本方去附子生地黃七味各
壹兩黑豆炒去皮二兩爲末溫酒半盞童
小便半盞同煎至五分調二大錢連進二
服無時服
產寶云胎死不下產母舌青者去蒲黃加
熟附子半兩

愈風散

經驗良方古方名舉卿古拜散

治產後中風口噤牙

關緊急手足痲痺

本事方○經驗良方亦治產後喘

舉卿 古拜即荆芥也

右輕焙過為細末每二大錢酒調下備預百要

方有神聖之功婦人大全良方瀉毒方云舉卿古拜二味蓋切脚隱

語以祕方也此藥委有奇効神聖之功指迷方治證如前用

荆芥穗得効方加當歸濃煎汁頓服甚則煎壹盆

濃湯坐病者其中先薰後淋沃名荆芥湯

得效方此下云角弓反張以豆淋酒下尤快大凡產室無風為

上不可帳被衣褥太煖煖甚則出汗膝裏

開易於中風而作昏悶經驗良方易於中風便昏冒如醉不

省人事急服此藥立見功效昔有一產婦遮護太密且

生火睡久覺來如醉不省人事其家驚惶

進此佐以交加散委婦人大全良方瀉毒方作祝之曰

服了必睡睡中必用左手搔頭寤則蘇矣

後如其言○經驗良方又云有姪婦服墮

胎藥又用藥熏及登廁室為風所襲灌入

產門以致口噤手足抽掣若服烏附星香

等藥必致枉死此藥能破傷風服此藥後

以交加散調其榮衛婦人大全良方瘵產

後中風口噤牙關緊急手足痲癱如角弓
狀亦治血暈四肢強直不省人事或築心
眼倒吐瀉欲死出華佗方百門經驗 荆芥
略焙 爲末右每服三錢豆淋酒調下用童子小
便亦可胎產救急方同玉巖 其效如神口
噤者灌齒斷噤者吹鼻中皆效袖珍方永
壹方用古老錢煎湯調服名一捻 肘產方
治產後中風眼反折四肢搐搦下藥可立
待應效如聖散方荆芥穗子爲末酒服二

錢必効集驗方同衛生易簡方治產後血
暈及中風目上視四肢強直用荆芥末二
三錢童便一盞酒醋壹盞調下嚙良久卽
活甚驗

獨活湯治病證同前

鬼眼獨活爲粗末 黑豆炒焦欲起烟以薑酒

熱便了
次入藥

下獨活散五錢煎至一盞大滓溫服○聖
濟總錄治產後血氣不足中風口噤獨活

酒方獨活去蘆頭細剉貳兩大豆青升右貳味用酒

五升浸獨活一宿次將大豆炒令青煙出

投酒中封閉候冷去滓每溫服一盞計

交加散治產後中風醫方集成袖珍方衛生易簡方治產後中風腰

脇不得轉動

生地黄五兩研取汁生姜五兩研取汁

右交互以汁浸滓一夕次日各炒黃潰盡

汁為度乾為末酒調服易簡方每服二平參錢酒調下

日腹痛酒下三錢產後尤不可闕 女人

榮衛不通經脈不調腹痛如撮氣多血少

結聚為痃並皆療之 經驗愈風散易名

如聖散治產後風角弓反張以豆淋酒下

尤快 血風口噤項強頭痛壯熱運悶皆

治之以少酒尤速海上以此治產後血衄

血悶築心眼倒欲亡者服如上湯使噤甚

者灌之亦效得效方同○胎產救急方治產後

下血不止生薑生地黃右取二汁互浸二

藥日曬略乾然後同炒勿傷火碾末炒黑

豆浸老酒調服永類鈴方治產後中風口
噤緊急角弓反張或血暈不省吐瀉欲死
生地黄生薑各二兩各取汁却以地黄汁
浸生薑滓以生薑汁浸地黄滓壹宿各炒
黃清汁盡為度細末酒調灌

胎產救急方

小品方治產後風緩舉體疼痛

獨活四兩當歸二兩

右剉酒煎服

活人書治產後傷寒其人血虛不可發汗切

不宜輕服麻黃出汗多能令人鬱胃但宜

服葱豉湯 頭痛不止葱白湯方並見
妊娠

按諸家方書皆言婦人傷寒產前安胎產

後補血新產血虛虛則宜補古方多用四

物湯加柴胡有熱者小柴胡湯加芍歸然

傷寒無補法惟三山楊仁齋先生獨曰產

前安胎產後調血以調易補一字秤倘真

有斤兩產後雖虛遽然峻補豈不反生客

熱婦人以血爲主有虛有實實其可補乎
仁齋之言誠爲的當 傷寒寒多者宜四
物湯加北柴胡血虛者加當歸頭熟地黃
血實者惡露不下者宜當歸生地黄
傷寒熱多者宜小柴胡 血實者加生地
黃 血虛者加芍歸熟地黃 頭痛者倍
加川芎 腹痛者加芍藥桂枝 渴者去
半夏加天花粉

鋪腸瀝

崔元亮方革麻子去殼研膏貼頂心立收○
衛生易簡方治產後陰腫下脫腸出玉戶
不閉用蓖麻子四十九粒去殼研爛塗腦
頂卽收入隨甲溫湯洗藥去淨
家傳方取麥麩內疎布袋中置熱湯盆內燬
洗候湯溫令產母坐其上腸浸其中類將
麥麩袋動其水須臾自收
海上方細辛麝香爲末搐鼻得噴嚏則腸收
矣一方云凡通關藥皆可用

陳自明方半夏末搐鼻中

又方以大帛撚蘸麻油點起後却吹滅以煙熏產母鼻其腸自收

又法以新水入醋少許攪勻令人含水少許喫產母面每喫時一奮迅則一縮三喫已收矣

葉氏方朴消煎湯浸腸令暖自然收縮

連氏方白礬末一兩調米醋一椀淨洗小桶以硬炭火置內急以醋澆產母坐其上熏

之

子腸不收

千金方驚頭燒灰傅腸上仍用水調服

子母秘錄肘後方療產後陰下脫燒兔頭末傅之

又方羌活酒服

韓都事方

蛇床子 韶腦 胡椒 紫梢花

右等分爲末每五錢煎湯熏洗

又方全蝎細末口含水以藥搐鼻立効醫林方同

百一選方鐵精粉腸上推納之仍酒服磁石末○婦人大全良方治產後陰下脫以鐵精粉上推內之附後方同又灸臍下橫文二七壯

沉氏方卷柏半兩剉碎菴瓶水煎熱熏溫洗

又方山茨菰末摻腸上仍以皂黃末搗鼻取噴嚏數聲其腸自入

又方枳殼荆芥煎湯熏洗五倍子末粉腸上又方令產婦坐白上研草麻膏塗頂心蜜令

以水噴其面倏然豈忍檯身振動腸已收矣

謝氏方血竭乳香燻煙熏卽入

陳氏方樗根皮入葱椒湯熏洗○衛生易簡方治產後或平居偶因用力太過努出子腸不收用樗樹根葱白花椒煎湯薰洗
產門不閉

治蓐勞子戶開而不閉蛇床子炒熱布裏坐其上

又方礪黃海蝶蛸五味子爲末傳之

破傷風

幼婦初產傷水多在此證殺人最急

張氏方鰾膠燒爲末酒服淨傳傷處

集驗方防風天南星等分爲末酒服仍以滓

傳傷處南星爲防風所制不能麻人

海上方苦薺煎湯湯候通手淋洗新產便用

此湯可無破傷風之患

又方馬齒莧煎湯熏洗

陰腫

海上方治產後傷水陰腫如斗神驗牡礪粉

傅壹方以通脫木根研汁調傅

陳氏方

枯礬 五倍子

等分爲末

右取桃仁湯浸去皮尖研膏調傅

經心錄

艾葉二兩 防風三兩 戟二兩

右剉每一兩水煎熱熏溫洗

葉氏方防風荆芥蛇床煎湯熏洗

陰瘡 凡產後諸房早多有此

千金方黃連黃柏梔子蛇床爲末傅

葉氏方蛇床子地骨皮煎湯熏洗

古今錄驗方黃連黃芩枯礬煎湯熏洗

張文仲方蝦蟇兔屎並燒爲末傅瘡

肘後方雄黃 杏人燒 枯礬

右末傅

又方硫黃末傅

產後救急方

治產後下血不止池中自乾老蓮房燒存性

入交加散方見前 豆淋酒調服

又方治惡露不盡血上衝心荷葉灰藕節煎

湯調服

又方伏竜肝末酒調服

海上方治產後血不歸經淖溢妄行從諸竅
出

竜骨粗末 童便下又隨所出之處糝之立止

大全方治產後五七日不大便切不可妄服

大黃朴消等致生他證大麥蘖炒為末沸

湯調服婦人大全良方每服參錢沸湯調下與粥間服○澹寮方

產後膨脹氣不通轉右麥蘖為末酒調服

肆錢漸通衛生易簡方治後產秘結膨脹

不通氣急坐卧不安用麥蘖末一合酒調

服良久即通神効

集驗方治產後遺糞不知出時

白斂 白芍藥

右末酒服婦人大全良方右各等分為末酒服方寸匕

產寶方治產後泄瀉不止四順理中圓最效

局方

千金方治產後小便不通

滑石二兩半木通 車前子 葵子各二兩

右末每二錢漿水服

千金翼方治產後遺尿不知出時

白薇 白芍藥

右末酒服婦人大全良方右等分為細末以酒服方寸七日參服

朱氏集驗方

產後

百草霜散治產後下血不止

細麵微炒百草霜

右二錢用無灰好酒調服極妙

團參散治產後惡血未盡渾身增寒發熱小

腹剗刺疼痛心氣膨脹不納飲食而目虛腫

脚手浮腫耳聾眼暈腰痛

乾薑七錢炒蒼朮炒天仙藤 甘草 川烏

北白芍藥 北細辛各壹兩麻黃去節

右咬咀每服三錢薑五片棗一枚荆芥七

穗水煎七分通口服病者只喫白粥及猪

肝此藥臨產斷手却服三旦趕惡血盡畢

亦可以暖藥補之即用後青棗散養新血

此方乃黃常卿家本

柑皮湯治產後發渴經脉過多發渴者亦治

柑子皮焙乾

右爲末白湯調三錢許服其效莫述千金

方云產後發渴速覓相皮甲子歲補真公傳千金陵
榴附飲治產後瀉

酸石榴皮炒米醋香附子
右二味爲末每服二錢米飲下

單方治產後虛汗防風不以多少麩炒赤色
爲末煎猪皮湯下

雙俱散治產後腰痛

石菖蒲兩當歸兩半
右爲末每服三錢熱酒調下空心

烏藥散治產後腹痛

天台烏藥 杜當歸
右爲末豆淋酒調下

白及膏治產後鼻衄
白及

右爲末冷水調敷在紙上貼鼻心而效後
用燈盞數隻熱湯煮過數時更替覆頂心
劉司傳云有奇效殊不可曉

治產後咳逆方

右蓮子十筒炒熟丁香十粒

右細末用水三合煎十數沸溫服

孤鳳散治產後閉目不語白礬末熟水調服

神珍方同管見大全良方婦人大全良方得效方永類鈔方經驗良方徐氏胎產方

調下壹錢七

沒藥散治產後百疾

沒藥 血竭各等分

右細末每服二錢用童子小便合酒半盞

煎壹沸溫調下纔產一服上床良久再服

其惡血自循下行更不衝上免生百疾梁氏

總要 ○得効方血竭散治產後敗血衝心

胸滿上喘命在須臾宜服真血竭如無以紫礦代

沒藥右等分輕手研細頻篩再研取盡為

度每服二錢用童便合酒經發良方半盞

煎壹沸溫調下纔產下壹服上床良久再

服徐氏胎產方同其惡血自循下行更不衝上免

生諸疾

嚴氏濟生方

校正郭稽中產後論治

產後不語者何荅曰心者君主之官神明出焉內候血海外應于舌舌者聲之機產後敗停書上干於心心氣閉塞則舌強而不語矣他服八珍散自瘥

八珍散

人參 石菖蒲 生地黄酒蒸 川芎各壹

朱砂研 防風去蘆各 細辛洗淨 甘草炙

右為細末每服壹錢薄荷湯調下不拘時

候地黃多喜戀膈脾胃不快者以當歸代之其効尤著

產後中風者何荅曰產後傷動血氣勞損經絡腠理空疎勞役太早風邪乘間而入始則客於皮膚次則入於筋脉又其次也傳於諸臟隨其諸臟經絡而生病焉或身體緩急或頑痺不仁或口目不正或奄奄忽忽神情悶亂乃中風候宜服小續命湯又有產後五七日強力下床或一月之內傷於房室或懷憂

發怒動擾冲和或因著艾傷動臟腑得病之
初眼澁口噤肌肉羸搖漸致腰背筋急強直
者不可治此乃人作非的令中風所得也
小續命湯方見大方科諸風門

產後雜病證治

當歸羊肉湯治產後發熱自汗肢體痛名曰
蓐勞

當歸去蘆酒浸人參各七錢黃耆去蘆壹兩生薑半兩
右咬咀用羊肉壹斤煮清汁五大盞去肉

入前藥煎四盞去滓作六七服早晚三四
服收汗止頭痛

猪腰子粥治產後蓐勞發熱衛生易簡方治
骨節疼痛汗出不止

猪腰子一隻

右去白膜切作柳葉片少塩酒拌之先用

粳米壹合經驗良方先煮白入葱椒煮粥

塩醋調和將腰子鋪盤底用熟粥盖之如
作蠶生粥狀喫之每日空心作粥極妙醫方

集成南北經驗方
補珍方同

管見大全良方

治婦人產後

玉露散治產後乳脉行身體壯熱疼痛頭目昏痛大便澁滯並能治之凉膈壓熱下乳

人參去蘆白茯苓 甘草炙各半兩苦梗去蘆川

芎各一兩白芷各一兩當歸壹分芍藥壹分

參錢 珍方

右為細末得效方每服二錢水壹盞煎至

七分温服袖珍方右吹咀每服八錢水一盞半煎至盞去渣温服食後

如煩熱甚大便秘加大黃一分婦人大全良方永類

同 鈔方

延胡索散治產後兒枕腹痛得効○永類鈔方治產後胎中宿血凝結名曰兒枕疼痛不止久則變成疝瘕

延胡索 當歸各一兩琥珀研蒲黃炒各一分桂

心叁分赤芍藥半兩紅藍花二錢

右為細末以童子小便合細酒温温調三

錢食前服婦人大全良方同

二味參蘇飲治婦人產後血入於肺面黑發

喘欲死

人參去蘆壹兩為細末

右用蘇木貳兩細剉以水兩碗煮取八分

碗去滓調人參末貳錢服無時候○婦人

大全良方參蘇飲得效方名人參壹兩別

蘇木二兩○袖珍方右以水兩碗煮取壹

碗以下去滓調參末隨時加減服神效不

可言拔粹方同經驗良方治產後氣喘為孤陽

絕陰不治者入參蘇木各一兩右每服五錢

水二盞煎七分盞頻頻呷服又方胡桃核

內肉不必去皮人參等分每服五錢依前

法煎服徐氏胎產方水壹錢屢用効

婦人大全良方

產後通用方論

千金云凡產後滿百日乃可會合不爾至死

虛羸百病滋長慎之凡婦人患風氣臍下

虛冷莫不由此早行房故也 凡產後七日
內惡血未盡不可服湯候臍下塊散乃進羊
肉湯有痛甚切者不在此例候兩三日消息
可服澤蘭圓比至滿月九藥盡為佳不爾虛
損不可平復也至於消瘦不可救者服五石
澤蘭圓補之服法必七日外不得早服也
凡婦人因暑月產乳取涼太多得風冷腹中
積聚百病竟起迄至於死百方療不能差桃
仁煎主之山蓐後服之婦人縱令無病每至

秋冬須服豈二劑以至年內常將服之佳

烏金散治產後十八疾方論

與局方黑神散同有人選集為

詞訣十八首言語鄙俚故不錄

- 一曰產後因熱病胎死腹中者何但服烏金散
- 二曰產難者何但服烏金散
- 三曰產後胞衣不下者何但服烏金散
- 四曰產後血暈者何但服烏金散
- 五曰產後口乾心悶者何但服烏金散
- 六曰產後乍寒乍熱者何但服烏金散
- 七曰產

後虛腫者何但服烏金散兼朱砂元
八日乍見鬼神者何但服烏金散 九日
產後月內不語者何但服烏金散 十日
產後腹內疼痛兼瀉者何但服烏金散兼
用止瀉調氣藥 十一日產後遍身疼痛
者何但服烏金散 十二日產後血崩者
何但服烏金散 十三日產後血氣不通
咳嗽者何但服烏金散 十四日產後乍
寒乍熱心痛月候不來者何但服烏金散

十五日產後腹脹滿嘔逆不定者何宜服
烏金散次服朱砂圓 三二日炒生薑醋湯
下七圓 十六日產後口鼻黑氣及鼻衄
者何論同此證不可治 十七日產後喉
中氣喘急者何論同十死不治 十八日
產後中風者何但服烏金散 己上論與
郭稽中二十一論問荅同故不詳錄 一
四味湯療產後一切諸疾纔分挽與壹服尤
妙

當歸心隔煩延胡索氣悶喘急血竭惡露不快

加半錢沒藥心腹撮痛加半錢各等分

右為細末每服各抄半錢用童子小便一

瓊煎至六分通口服

地黃煎治產後諸疾

生地黄汁各一升生薑汁各一升竊汁各一升大麻仁

參兩去殼為末

右和停以銀器內慢火熬成膏溫酒調半

匙服更以北術煎膏半瓊入之尤佳產寶

方無麻仁用白蜜治產後虛憊盜汗嘔吐

當歸散療產後氣血俱虛慎無大補恐增客

熱別致他病帝令惡露快利為佳

當歸 芍藥 川芎 黃芩各一兩白朮半兩

右為細末溫童子小便或酒調下二錢出指

迷方又出傷寒括要○玉機微義同

周顛傳授濟急方

勝金圓治產後血暈血氣及滯血不散便成

癥瘕兼瀉面色黃腫嘔吐惡心頭痛月眩口

吐清水四肢羸弱五臟虛怯常日睡多喫食
減少漸覺羸瘦年久變為勞疾如此所患偏
宜服

邇嘗見人傳經効諸方自曾修合實有大功

逐編於卷末普用傳授以濟急難

澤蘭葉四兩芍藥 蕪荑仁 甘草 常歸

芎藭各六分 乾薑 桂心各一分 石膏 桔梗

細辛 厚朴 吳茱萸 栝子仁 防風

烏頭炮 白薇 枳殼 南椒 石領 蒲

黃 石斛 茯苓各一分 白朮 白芷 人

參 青木香 藁本各壹兩

右揀擇上等州土如法修製為末煉蜜圓
如彈子大有所患熟酒研一圓入口便愈
大忌腥膩熱麪豉汁生葱冷水葶子等若
死胎不下胎衣在腹並以炒塩酒研服未
効再服

聖散子治產後諸疾 方與局方大聖澤蘭
散同但無地黃阿膠桔梗故不錄

黑散子治產後一切疾神效

鯉魚皮

叁兩 燒灰

芍藥

蒲黃

各二兩

當歸

沒

藥

桂心

好墨

卷柏

青木香

麝

香

各壹兩

丈夫髮灰

鎊墨

各半兩

右爲細末以新瓷器盛密封勿令走氣每產後以好酒調下壹錢匕知血量衝心下血不盡臍下攪刺疼痛不可忍塊血癥疾甚者日加兩服不拘時候忌冷物菓子粘食

保生元方與局方同却無麻仁有川椒故不

復錄

朱砂元治產後虛中有積結成諸疾

黑附子

桂心

白薑

各半兩

巴豆

壹錢醋浸煮去

皮研

右爲細末入巴豆研停醋煮麵糊元如麻子大每服三圓至五圓冷茶下服之取瀉爲度

薑粉散纔產服此蕩盡兒枕除百病

當歸 人參 木香 黃耆 川芎 甘
 草 茯苓 芍藥 桂心 知母 大黃
 炒 草豆蔻 白朮 訶子 良薑 青皮
 熟地黄許少附子重半兩
 右除地黄附子外各等分焙乾生薑壹斤
 研取自然汁於椀中停留食久傾去清汁
 取下面粉脚攤在蒻葉上入焙籠焙乾擣
 羅為末纔產後用藥三錢小壹盞薑三片
 棗壹箇煎至七分熱服服後產母自然睡

着半口以來睡覺再服全除腹痛每日只
 三服至九日不可服肚中冷也
 地黃酒治產後百病未產壹月先釀產訖可
 服

地黄汁 好麴 好淨秫米各二升

右先以地黄汁漬麴令發準家法釀之至
 熱封七日取清者服常令酒氣相接勿令
 絕忌蒜生鮓滑鷄猪肉一切毒物婦人
 皆可服之但夏三箇月不可令春秋宜合

以地黄汁并滓內米中炊合用之若作一
碩十碩準此一升為率先服當歸湯後服
此妙

地黃元治產後腹痛眼見黑花或發狂如見
鬼狀或胎衣不下失音不語心胸脹滿水穀
不化口乾煩渴寒熱往來口內生瘡咽喉腫
痛心中忪悸夜不得睡產後中風角弓反張
而赤牙關緊急或崩中如豚肝臍腹疔痛煩
躁悸惚四肢腫滿及受胎不穩唇口指甲青

黑壹方地黄減半當歸壹兩延胡索琥

珀各壹兩名琥珀地黄元治狀同
生地黄研取汁生薑各二斤研蒲黃當

歸各四兩

右於銀石器內用慢火取地黄汁炒生薑
滓以生薑汁炒地黄滓各令乾四味同焙
乾為細末醋煮麴糊圓如彈子大每服一
圓食前用當歸酒化下神妙
琥珀散治產後一切危困之疾

琥珀 朱砂 麝香 香墨醋 白薑蠶

常歸各一 鯉魚鱗炒焦 桂心 百草霜 白

附子 梁上塵炒令煙出篩過秤各半兩

右為細末炒生薑熱酒調下二錢產後一切病服之奇效

黑神散治產後諸疾如產臥畢切須用童子小便調數服除百病如無小使用白湯亦可

或產勞力過度或下血頗多或微熱惡露來遲

馬尾大當歸洗壹兩半

右在未產前修製為末如遇產有疾無疾若產了但用童子小便調服令產婦月後並無他證果有神效

療產後雖甚通利唯覺心腹滿悶脇脹咳嗽不能食大便不通眼澁行坐心腹時痛許仁則秘道力三

白朮 當歸 桑白皮 大黃各參兩 細辛 桂心各三兩 生薑四兩

右以吐用水二升煎取壹升分爲三服如
 人行七八里久再服此湯當得利利又不
 宜過口所利者爲不獲已而微利之其不
 然未合令利既初產後覺身皆虛尚藉藥
 食補之豈宜取利此緣病熱既要不利苟
 以常塗服湯得通氣息安帖利既未止卽
 便須急取三匙醋飯喫卽止止後但須適
 寒溫將息後取痊復飯食之節量其所宜
 如利不減宜依後方服之產後不宜輕易

便投大黃如不得已後人更斟酌強弱而
 用之方得穩當

常歸十分白朮八分甘草七分細辛四分桂心八分

參生薑各參分桑白皮六分

右爲末煉蜜圓如梧桐子大空心溫酒下
 三十圓

產後血氣不通當時不甚覺如在產出血少
 皆成癥結心便疼硬乍寒乍熱飲食不進不
 生肌肉心腹有時刺痛口乾粘手足沉重有

此狀者宜此藥

常歸 芍藥 甘草 牛膝 鬼箭羽

人參 各五分 牡丹皮 虎杖 白朮 各六分 大

黃 八分 乾地黄 七分 朴消 十分 烏梅肉 炒 白癥

桂心 各四分 水蛭 炒 蒲黃 各五分 蠱蟲 十四枚製

右為末煉蜜圓如梧桐子大空心酒下二十圓日兩服外臺有赤石脂十分許公在

西京為女秘妙不傳此方於人後仁則女婚尋得依狀相傳萬不失壹餘散歸本門

產後血暈方論

產後血暈者由敗血流入肝經眼見黑花頭目旋暈不能起坐甚致昏悶不省人事謂之血暈糾酒調黑神散最佳庸醫或作暗風中風治之凡暈血熱乘虛逆上湊心故昏迷不省氣閉欲絕是也然其由有三有用心使力過多而暈者有下血多而暈者有下血少而暈者其暈雖同其治特異當詳審之下血多而暈者但昏悶煩亂而已當以補血清心藥

治之下血少而暈者乃惡露不下上捨於心
心下滿急神昏口噤絕不知人當以破血行
血藥治之古法有云產婦纔分娩了預燒秤
錘或江中黃石子硬炭燒令通赤置器中急
於床前以醋沃之得醋氣可除血暈產後一
臍不妨時作爲妙崔氏云凡暈者皆是虛熱
血氣奔迸腹中空所致欲分娩者第壹須先
取醞醋以塗口鼻仍置醋於傍使聞其氣兼
細細飲之此爲上法如覺暈卽以醋噴面甦

來卽飲醋仍少與解之一云仍少與水解之
一法燒乾漆令煙濃熏產母而卽醒如無乾
漆以舊破漆器以猛火燒熏之亦妙
若去血過多而暈者當服芎藭湯方見當歸
芍藥湯方見
廣濟治產後血暈心悶不識人神言鬼語氣
急欲絕

芍藥 甘草各一兩 丹參四分 並 生地黃汁
壹升 薑汁 白蜜各一合

右水二升先煎前三味取八合下地黃生

薑汁蜜分爲兩服按梓同方

又方荷葉一枚真蒲黃壹兩甘草二兩生地黃汁

半斤白蜜壹斤

右切細以水三升煮取壹升去滓入蒲黃

蜜地黃汁暖服立愈

療產後血暈心悶

蒲黃四分紫葛八分芍藥八分紅花十二分

右咬咀以水二升煎至七分入生地黃汁

二合更煎三五沸每服三合

療產後血暈狂言煩渴不止

生香附子去毛

右爲末每服二錢水壹錢薑三片棗壹箇

煎至七分溫服永類鈔方同

治產後血暈危困國醫以此方獻禁中用之

大效厚獲賞賚時庚寅歲也○徐氏胎產方

產後血暈連心頭硬悶亂氣絕手脚煩熱及

寒熱不禁

生地黄汁

壹大 壹分

當歸

壹分

右水煎三五沸溫服如覺煩熱去當歸入

童子小便半瓊妙

拔粹方永 類鈴方同

張氏方治產後血暈全不省人事極危殆者

用韭菜切入在一有紫堯瓶內煎熟醋沃

之便密縛瓶口以瓶背向產婦鼻孔令醋

氣透入須先扶病人起惡血衝心故有此

證葦能去心之滯血加以醋氣運達之用

無不效

經驗良方金匱鉤玄同

崔氏療產乳暈絕方以洗兒水飲三合良

或以惡血服少許良

療產後因驚敗血衝心昏悶發狂如有鬼祟

宜用局方大聖澤蘭散

除是自合加好辰者方有效

砂研令極細每服加一字許煎酸棗仁湯

調下一服可安

何氏方療產後因敗血及邪氣入心如見祟

物顛狂方用大辰砂一二錢重研令極細

用飲兒乳汁三四茶脚許調仍搗紫項活

地龍一條入藥候地竜衮三衮取出地竜不用不令帶藥出但欲得地竜身上涎耳却入無灰酒與前乳汁相合七八分盞重湯溫過疾作分三二服余家荆布方產一日忽見鬼物言語顛倒遂取自合蘇合香圓一錢重以童子小便調服卽醒神思如故

產後在言謔言如有神靈方論

夫產後言謔顛倒或狂言謔語如見鬼神者

其原不壹須子細辨證用藥治療產後驚風

言語亂道如見鬼神精神不定者研好朱砂

酒調下能虎丹見方三圓作壹服兼琥珀地

黃圓服之一則因產後心虛敗血停積上

于於心而狂言獨語者當在乍見鬼神論求

之二則產後臟虛心中驚悸志意不安言

語錯亂不自覺知神思不安者當在臟虛心

驚悸論求之三則宿有風毒因產心虛氣

弱腰背強直或歌哭嗔笑言語亂道當作風

瘧治療當在心驚中風論求之四則產後
 心虛中風心神恍惚言語錯亂當在中風恍
 惚論求之五則產後多因敗血迷亂心經
 而顛狂言語錯亂無常或暈悶者當於本卷
 所下過多虛極生風及虛汗不止等論求之
 六則因產後感冒風寒惡露斬然不行憎
 寒發熱如瘧晝日明了暮則譫語如見鬼狀
 常作熱入血室治之宜琥珀地黃圓及四物
 湯只用生乾地黃加北柴胡等分煎服如不退

者以小柴胡湯加生乾地黃如黃芩分兩煎
 服愈雖然已上諸證大抵胎前產後之疾自
 有專門一定之法毫髮不同如產後首當逐
 敗生新然後子細詳辨疾證不可妄立名色
 自立新意妄自加減方藥大宜對證依古法
 施治未有不妥者也

琥珀地黃圓方見後 四物湯方見通治 小柴胡湯方見

傷寒

治產後敗血衝心發熱狂言奔走脈虛大者

男六德
續添

乾荷葉 生地黄 乾 牡丹皮 等分不

右三味濃煎湯調生蒲黃二錢匕壹服卽

定 永類鈴方徐氏胎產方同拔粹方此下

云四物湯加柴胡小柴胡加生乾地黄

等分煎服亦可
產後乍見鬼神方論

柏子仁散治產後狂言亂語皆由內虛敗血

挾邪氣攻心

栢子仁 遠志 去 人參 桑寄生 防風

琥珀 別研 當歸 炒 生地黄 焙 甘草 等分

右爲粗末先用白羊心一箇切片以水壹

大瓊半先煮至九分去羊心入藥末五錢

煎至六分去滓無時服

茯神散治產後血邪心神恍惚言語失度睡

卧不安

茯神 壹兩去皮 人參 神 龍齒 研 琥珀

研 赤芍藥 黃耆 牛膝 各三分 神巧 神巧

生地黄 壹兩 桂心 半兩 神巧 萬全方加

右為末每服參錢水一錢煎至七分神巧萬全
方六不拘時去滓溫服

產後臟虛心神驚悸方論

夫產後藏虛心神驚悸者由體虛心氣不足
心之經為風邪所乘也或恐懼憂迫令心氣
受於風邪風邪搏於心則驚不自安若驚不
已則悸動不安其狀目睛不轉而不能呼診
其脉動而弱者驚悸也動則為驚弱則為悸
矣

產亂七寶散療初產後服之調和血氣補虛
安神驚悸

辰砂研 桂心 當歸 川芎 人參 白

茯苓 羚羊角燒存性已 乾薑壹錢產科

右為末每服一錢用羌活豆淋酒調下將

產婦如不飲酒用清米飲調下如覺心煩

熱悶以麥門冬去心煎水調下若心下煩

悶而痛用童子小便調下若覺心胃煩熱

即減薑桂冷即加之腹痛加當歸心悶加

羚羊角心虛氣怯加桂心不下食或惡心
加人參虛顛加茯苓以意斟酌日二夜一
服

治產後藏虛心中驚悸志意不安言語錯亂
不自覺知

茯神 遠志 人參 麥門冬 甘草

生地黃 當歸 龍齒 桂心 白芍藥

羚羊角等分

右爲粗末每服三錢水壹錢薑三片棗一

个煎至六分去滓溫服無時候

治產後心虛驚悸神思不安

龍齒 黃耆 白薇 生地黃各一兩 人參

茯神 遠志 羌活各五分 甘草 桂心

防風各半兩一方無黃耆有荆芥與銀

右爲粗末每服三錢水壹錢薑三片棗一
个煎至六分去滓無時候服

治產後臟腑虛心怔驚悸言語錯亂

麥門冬去心 人參各錢 牛黃研 白薇各二錢

神 獨活 遠志 生地黄 朱砂 飛防

風 天竺黃 甘草 龍齒 研各四錢 龍腦

麝香 並細研各壹錢

右為末用薄荷酒調下二錢

療血虛多驚及產後敗血諸疾

辰砂 琥珀 沒藥 並細研 當歸 為末等分

右為細末每服二錢空心日午臨卧白湯

調服

產後驚悸亂道言語如見鬼狀精神不定者

研好朱砂酒調下局方竜虛丹三元作壹服

兼琥珀地黄元服之

琥珀地黄元方

南番琥珀 別研 延胡索 糯米同炒赤去米 當歸 各壹兩

蒲黃 四兩炒香 生地黄 研裂汁留滓 牛薑 各二斤洗

滓以生薑汁於銀石器內炒地黄滓以地黃汁炒生薑滓各至乾堪為末則止

右為末煉蜜員如彈子大食前當歸湯化

一元服

產後心驚中風方論

產後心悶氣絕眼張口噤遍身強直腰背反
偃狀如癩疾心忪驚悸言語錯亂皆是宿有
風毒因產心氣虛弱發成風瘕

產後中風恍惚方論

千金療產後暴苦心悸不定言語錯亂恍惚
皆因心虛所致

茯苓

參

芍藥

二

甘草

桂心

當歸

各壹兩

生薑

六分

麥門冬

壹升

大棗

壹十枚

右為散水三升煎取壹升去滓分作二服

食後

經効療產後心虛忪悸志意不定煩燥恍惚

茯神

當歸

黃芩

麥門冬

去心

甘草

人參

芍藥

酸棗仁

白鮮皮

各叁兩

大

棗

七

右為粗末水二升煮取七合去滓溫服

療產後中風恍惚語澁四肢不利天麻元

天麻

朱砂

防風

羌活

各一兩

礪蠶

三分

炒乾蠋炒 白附子炮裂 五靈脂各半 雄雀糞

炒牛黃各分

右為末糯米軟飯為元如梧桐子大以薄
苛酒研十五元服之

產後虛汗不止方論

夫虛汗不止者由陰氣虛而陽氣加之裏虛
表實陽氣獨發於外故汗出也血為陰產則
傷血是為陰氣虛也氣為陽其氣實者陽加
於陰故令汗出而陰氣虛弱不復者則汗出

不止也凡產後血氣皆虛故多汗也因之遇
風則變為瘧縱不成瘧則虛乏短氣身體柴
瘦唇口乾燥久則經水斷絕由津液竭故也
亦可就中風自汗論中求之

治產後虛汗不止麻黃根散

當歸 黃耆 麻黃根 牡蠣煨為粉 人參
粉芎各等分

右咬咀每服四錢水一錢煎至七分去滓
溫服

千金療產後風虛汗出不止小便難四肢微急難以屈伸

甘草 炙壹兩 附子 半介炮 桂心 芍藥 各壹兩

右咬咀每服三錢水壹瓊生薑四片棗壹枚煎至七分去滓空心溫服忌猪肉冷水生葱等物

經効療產後汗出不止

黃耆 十二分 白朮 牡蠣 茯苓 防風

麥門冬 去心 生地黄 各八分 大棗 七介

右咬咀水二升煎取七合去滓空心分溫二服

又療產後血氣暴虛汗出淡竹葉煎湯三合微溫服之須臾再服

又方馬齒莧研取汁三大合 如無乾者亦可 右煮壹沸投蜜壹匙令停頓服

止汗散治產後盜汗不止應多汗者皆可服

牡蠣 煨研 小麥麩 炒令黃色

右等分研細煮生猪肉汁調下二錢無時

候承類鈴方同

人參湯治產後諸虛不足發熱盜汗二方出胡氏

人參 當歸分等

右為末以猪腰子壹隻去脂膜切小片子以水三升糯米半合葱白兩條煮米熟取清汁一瓊入藥二錢煎至八分溫服不拘

時候袖珍方承類鈴方同

產後汗出多而變瘧方論中風口噤角弓反張附

產後汗出多而變瘧者何荅曰產後血虛肉

理不密故多汗因遇風邪搏之則變瘧瘧者口噤不開背強而直如發癎狀搖頭馬鳴身反折須臾十發氣息如絕宜速斡口灌小續命湯稍緩即汗出如兩手拭不及者不可治也

小續命湯治中風及剛柔二瘧及脚氣痺弱不能轉側兼治小兒驚風○聖濟總錄治婦人產後失血中風冒昧不知痛處拘急不得轉側四肢緩急遺失便利

麻黃製可去加葛。總錄桂心總錄桂甘

草各半兩。○總錄防風參錢三字。○總錄芍藥

白朮人參川芎附子總錄炮裂防

已黃芩各壹分。○總錄

右咬咀每服五錢水一錢半煎至一錢去

滓取八分清汁入生薑汁再煎一二沸溫

服日三服夜二服若柔痙自汗者去麻黃

夏間及病有熱者去附子減桂一半冬及

初春去黃芩婦人中風雖有然其雖然陳

無擇評曰產後汗出多變痙亦令服續命

湯此又難信既汗多如何更服麻黃官桂

防已黃芩輩不若大豆紫湯為佳太醫局

方大聖散亦良藥也愚觀朱奉議云凡剛

柔二痙小續命湯並可加減與之若柔痙

自汗者有去麻黃加葛根之說朱奉議必

有所據雖大豆紫湯人聖散良亦不可偏

見曲說有妨古人之意○總錄右一十壹

味判如麻豆大每服五錢匕以水壹盞半

入牛薑壹棗大切同煎取七分去滓溫服
大豆紫湯治中風頭眩惡風自汗吐冷水及
產後百病或中風痲痺背強口噤直視煩熱
脈緊大者不治

小品方主產後中風困篤背強口噤或但煩
熱或頭身皆重或身重痒劇嘔吐直視者指迷

方名獨活湯

川獨活兩大豆半升 酒三升

右先以酒浸獨活煎一二沸別炒大豆極

焦煙出急投酒中密封候冷去豆每服一

二合許得少汗則愈日十服此藥能去風

消血結如姪娠折傷胎死腹中服此得差

凡產後口噤腰背強直角弓反張皆名曰

瘧又名曰瘧古人察有汗無汗以分剛柔

陰陽而治今產寶諸書有中風口噤一門

又有角弓反張一門其實一也如增寒發

熱有類傷寒皆不論及豈可只以一二藥

治之愚今取百問中方論已詳備前篇見婦

人中風角弓反張幾覽者如指諸掌

中風口噤角弓反張方論附

凡產後中風口噤是其血氣虛而風入於頷
頰夾口之筋也手三陽之筋結入於頷產則
勞損府藏傷於筋脉風若乘之其三陽之筋
脉則偏搏之筋得風冷則急故令口噤也若
角弓反張者是體虛受風風入於諸陽之經
也人陰陽經絡周環於身風邪乘虛入於諸
陽之經則腰背反折攣急如角弓之狀也

交加散 方見通治 又名交解散

專治婦人方治產後中風不省人事口吐涎

手足瘳癎 承類鈴方云愈風散清魂散與此三方皆神方也

當歸 荆芥穗 等分

右為細末每服二錢 拔粹方徐氏胎產方三錢 水壹瓊

酒少許煎至七分灌之如牙關緊急用匙

幹微微灌下但下咽即者生理不問多少

便服不可以藥味尋常忽之屢用救人者

効

小品療產後中風虛人不可服他藥者一物
獨活湯主之及一物白鮮湯主之亦可與獨
活合煮之

川獨活

參前
細切

右水三升煮取壹升分服柰酒者亦可酒
水煮

一方用白鮮皮亦依此法

產後中風瘳口噤面青手足急強者以竹瀝
二升爲五服溫溫頻服大効

寶方療產後腹中堅硬兩脇膈脹手足冷心
中煩熱欲飲水乾嘔關節勞瘳中風之疾

羚羊角

二分防風

十二分羌活

苦梗

敗醬

各入
分

桂心

柴胡

大黃

浸過各
六分

右水二升煎取八合空心二服服了吐卽
良久更服了 喫地黃酒用地黃切一升
炒令黑甕瓶中下熱酒二升蜜封口煮令
減半任意服之

郭稽中產後中風方論

治產後納涼太過中風者或成喘急唇青鼻
 黑男六德續漆以局方小續命湯連進三服即
 愈

治產後中風半身手足不遂言語謇澁恍惚
 多忘精神不定

川獨活 當歸 芍藥 防風 川芎

玄參 各二分 桂心 分半 ○拔粹方徐氏胎
產方參錢加天麻五錢

右細剉以水八升煮取二升半分為三服
 覺効又更作一劑漸瘥須適寒溫將息如

不瘥即以此方作元每服二十元有熱加

乾葛五兩有冷加白朮五兩有氣加牛薑

六分手足不穩加牛膝五分 拔粹方胎產方一兩二錢

草薢三兩黃耆四兩腹痛加當歸芍藥各

三分不食加人參三分 拔粹方五錢 玄參四分

○拔粹方云若寒中三陽所患必冷小續

命湯加生姜汁煎若暑中三陰所患必熱

小續命湯去附子減桂心壹半加薄荷煎

產後中風筋脉四肢攣急方論

治產後中風四肢筋脉攣急疼痛背項強直

防風兩赤芍藥 桂心各半兩羚羊角屑川

芎 羌活 當歸 酸棗仁 牛蒡子各炒

三分

右咬咀每服四錢水壹錢煎至六分去滓
溫服

產後遍身疼痛方論

五積散方見大方
科傷寒門

產後腰痛方論

療產後風冷腰痛不可轉

獨活 川芎 芍藥 桂心 續斷 生

薑 桑寄生各六分 當歸 防風各八分

右咬咀以水三升煮取一升去滓空心分

二服

廣濟療產後虛冷血氣流入腰腿痛不可轉

敗醬 當歸各八分 川芎 芍藥 桂心各六分

右咬咀水二升煮取八合空心分溫二服

龍忌葱

救急療婦人產後餘血不盡血流入腰脚疼
痛胃滿氣急兩脇痛方

生姜青淡竹葉青

右二味以水二升煮取壹升去滓分温二

服

千金療產後中風腰背強痛中風煩熱苦渴
頭身皆重此因風冷所致及傷寒大豆酒方

大豆五升炒
令煙出

以酒一升投之蜜盖令温去豆服一升日

夜數服卧取微汗避風亦有如羌活者亦佳

廣濟療產後三日患腰疼腹中餘血未盡并
手脚疼不下食生地黃湯方

生地黃汁壹升芍藥 甘草各二兩丹參四兩蜜

壹升生姜汁壹升

右切以水三升煮取一升去滓內地黃汁

蜜姜汁微火煎壹二沸壹服三合日二夜

三利壹兩行拔利中間進食與藥更進服

陳氏如神湯亦効

方見右生料五積散加地

仁煎亦妙此藥逐敗血去風濕

產後惡露方行忽然漸少斷絕不來腰中重

痛下注兩股痛如錐刀刺痛入骨中此由血

滯於經絡不即通之有大痛處必作癰疽宜

桃仁湯恐作癰者預服五香連翹湯

桃仁湯方

桃人去皮蘇木

生地黃各半蟲蟲去足

水蛭炒各三

右為粗末每服三錢水一盞煎至六分去

滓溫服無時候惡露下即住服

五香連翹湯方一方有大黃膏兩

木香 沉香 丁香 乳香 麝香 升

麻 獨活 桑寄生 連翹 木通各二

右為粗散每服五錢水二盞煎至壹盞入

竹瀝少許攪停去滓溫服方同

產後惡露不絕方論

夫產後惡露不絕者由產後傷於經血虛損

類身書

類身書

類身書

類身書

類身書

類身書

不足或分解之時惡血不盡在於腹中而藏
府挾於宿冷致氣血不調故令惡露淋瀝不
絕也

療產後泄血不止無禁度及治腹痛胃鬪悶

乾黃末酒服方寸匕日三四服胡氏方云姜黃治惡

露不止

獨聖湯療產後亡血過多心腹徹痛然後血

下久而不止亦治赤白帶下年深諸藥不能

療者良驗此京師祝景助教方

貫聚

狀如刺蠟者壹个全用不判斷只揉去毛花萼用之

右用好醋蘸濕慢火炙令香熟候冷為細

末用米飲調下二錢空心食前服

治產後虛羸臍腹冷痛淋瀝不止或惡物不

下方養生必用

當歸 白芍藥 甘草 乾薑 桂心

熟地黃 蒲黃各半兩 黑豆壹兩炒

右為細末溫酒調下二錢食前服米飲亦

可似黑神散

產後惡露不下方論

治產後惡血衝心胎衣不下腹中血塊等備

急丹出產右以錦紋大黃壹兩杵為細末

用礬醋半升衛生易簡同熬成膏元如梧

桐子大患者用醋七分易簡方溫化五

元至七元服之須臾血下徐氏胎即愈亦

治墜馬內損胎後惡血不地披粹方神効

此藥難用大段虛弱不可服仍調藥醋不

宜太酸便損肺藏全在醫者斟酌

散 療產後惡露不下腹中疼痛心神煩悶荷葉

乾荷葉二兩鬼箭羽 桃仁 劉寄奴 蒲

黃各壹兩

右為粗末每服三大錢以童子小便壹大

盞薑錢三片生地黃壹分槌碎同煎至六

分去滓無時熱服

廣濟療產後惡露不多

川牛膝 大黃各八分牡丹皮 當歸各六分

芍藥 蒲黃 桂心 各四分

右為末以生地黃汁調酒服方寸匕日二服血下愈

生料五積散局方治產後惡露不快腹中疼痛或腹有塊及發寒熱並加醋少許煎通

口服亦能療血崩 方見大方科傷寒門

產後惡露方行而忽然斷絕驟作寒熱臍腹百脉皆痛如以錐刺非常此由冷熱不調或思慮動作氣所擁遏血畜經絡宜沒藥元

當歸 壹兩 桂心 芍藥 各半 桃仁 去皮尖 沒

藥 切各分 蜜虫 去足翅炒 水蛭 炒各三

右為末醋糊元如豌豆大醋湯下三元 承

同鈐方

產後餘血上搶心痛方論

夫產後血上搶心由產後氣虛挾宿冷冷搏於血則凝結不消氣逆上者則血隨上衝擊而心痛也凡產後餘血不盡得冷則留結與氣相搏則痛因重遇寒結血尤甚則變成血

瘦亦令月水否澁不通也

大岩蜜湯

方見三因方

產後惡露不盡腹痛方論

產後惡露不盡腹痛者何答曰產後惡血雖常通行或因外感五邪內傷七氣致令斬然而止餘血停積壅滯不行所下不盡故令腹痛

救急療惡露不盡腹脹痛取亂髮如雞子大灰汁洗尽淨燒為木酒調服二錢

療產後血不尽血痛悶方以鐵秤錘壹枚燒赤投酒五升中用此酒煮當歸三兩取二升去滓分溫再服千金同一方無當歸療產後血結下不尽腹中絞痛不止

大黃別浸生乾地黄 當歸各十分 川芎 芍

藥 桂心各八分 拔粹方 甘草 黃芩

各六分 桃仁四十九粒製

右細切以水七升煮取三升半下大黃更煎三沸分溫五服

永類鈔方同

療產後惡露不盡結聚小腹疼痛

當歸分叁 香附子壹兩 琥珀 沒藥 青皮

赤芍藥 木香 桂心各半兩

右為細末以豆淋酒調下壹錢

地黃散治產後惡物不尽腹內疔痛產後常服甚妙

生乾地黃 當歸並略炒 生薑細切如蠅頭大新瓦

炒令焦黑半兩

右為細末炒薑酒衛生易簡方薑湯調一大錢服

簡奇方同拔粹方南北經驗方徐氏胎產方袖珍方易簡方二錢服

卷荷散治產後血上衝心而刺血暈血氣腹痛惡露不快

初出卷荷 紅花 當歸各一兩 蒲黃紙炒 牡

丹皮各半兩 南北經驗方

右為細末每服二平錢拔粹方經驗方空

心溫酒經驗方袖珍方調下一臍內只使童子

小便調如纜產後便服此藥即諸疾不生
出婦 ○徐氏胎產方紅花散治婦人產後

血昏血崩月事不調遠年眩血氣乾荷葉
牡丹皮當歸紅花蒲黃抄各等分右為細末每
服半兩酒煮和滓溫服如胞衣不下調榆
白皮末半兩服之立下

芸臺散療產後惡露不下血結不散衝心刺
痛將來纔冒寒踏冷其血必往來心腹開刺
痛有不可忍謂之血母塊但產後心腹諸疾
並宜服之出產乳

芸臺子紙炒當歸 桂心 赤芍藥各等分

右為細末溫酒調服二平錢趕下惡物產
產三日不可無此方類錄

產後兒枕心腹刺痛方論

治產後兒枕亦治赤白痢

丁香參錢罌粟殼去穢蜜炙香白芷各半兩百草霜六錢重

右為細末每服二錢童子小便調下如痢
疾米飲調下

產後兒枕痛不可忍得效方治產後臍下痛
名兒枕痛不可忍此神

藥五靈脂慢火熬為細末每服二錢溫酒調下經驗良方同

天僊藤散治產後腹痛不止及一切血氣腹

痛出經驗方天僊藤五兩為細末每服二錢

產後腹痛用炒生薑小便利和細酒調下常

患血氣用溫酒調服効油珍方同

蒲黃散治產後腹中有塊上下時動痛發下

可忍此由妊娠聚血產後氣羸惡露未盡

新血與故血相搏而痛俗謂之兒枕乃血

痕也真蒲黃研飲調服二錢如燥渴者新

水調

黑神散療產後血塊痛經脉行後腹疼并經

脉不調

熟地黄乙斤陳生薑半斤

右拌同炒乾為末每服二錢產前烏梅湯

調下常服酒調經脉不通烏梅荆芥酒調

下

黑神散方見和劑局方療新產後腹痛惡血不盡行

療新產後七八日腹痛兩脇痛

當歸 劉寄奴 苦梗各十分 延胡索別為末

桂心 陳皮各四分 茯苓 芍藥各八分

右咬咀以水一升煮取八合調延胡索末空心服

療先患冷氣因產後發腹痛

芎藭 桂心 當歸 吳茱萸 茯苓

芍藥 甘草各六分 桃仁十分

右咬咀水七升煮取二升去滓分三服

必効方療產後腹痛方羌活四兩切以酒二升

煮取壹升分服

千金治產後餘疾腹中絞痛不下食瘦乏方

當歸 黃耆 芍藥各六分 乾地黄 白朮

各捌分 桂心 甘草各四分 棗十四個

右咬咀水二升煮取八合去滓空心作兩

大服忌生葱

聖惠療心腹內外痛

生地黃汁 藕汁 童子小便各叁合

藥集卷五

八十五

藥集卷五

八十五

右同煎三二沸分溫三服

薑黃散治產後腹痛

沒藥乙分川薑黃末二分

右以水童子小便各一盞入藥煎至盡盞
半分作三服通口服約行五七里再進
服即止不過三服便安

獨聖散療產後腹痛當歸為末每服二錢水

豈殘煎至七分溫服袖珍方同○衛生易簡方

產後惡血上攻倉卒昏亂用當歸二兩煎

服即定

產後小腹痛方論

夫產後小腹痛者此由產時惡露下少胞絡
之間有餘血與氣相擊搏令小腹痛也因重
遇於冷則血結變成血瘕亦令月水不利也
香桂散治產後臍下疼痛不止

川芎 當歸各一分桂心半兩

右為細末分為三服每服酒壹錢煎三五
沸更入小便少許煎至七分溫服甚者不

過再服卽差出博濟

紫金圓治產後惡露不快腰痛小腹如刺時
作寒熱頭痛不思飲食亦治久有瘀血月水
不調黃瘦不思飲食並能治之亦可療心痛
與失笑散同出產

五靈脂水淘去石焙乾醋炒為末真蒲黃拔粹等分

右以好米醋調五靈脂末慢火熬成膏于
次以蒲黃末搜和圓如櫻桃大每服壹元
水與童子小便各半盞煎至七分令藥化

溫服之少頃再壹服惡露卽下久有瘀血
成塊月信不利者並用酒磨下得效方同○徐

氏胎產方產後心腹痛欲死五靈脂蒲黃
各等分右為末先用醋醋調二錢熬膏入水

半瓊童便半瓊煎七分食前熱服神效衛
生易簡方治產後心腹絞痛欲絕者用蒲
黃炒五靈脂酒研淘去沙土等分為末先
以好醋調二錢熬成膏入水壹盞煎七分
熱服

產後六七日忽然臍腹痛皆由呼吸之間冷氣乘虛而入宜服當歸建中湯和四順理中元共研再圓作小員飯飲吞下極如同方

醫方類聚卷之二十三十五